

9

CHINESE - JAPANESE LIBRARY  
HARVARD - YENCHING INSTITUTE  
AT HARVARD UNIVERSITY  
JUN 22 1953

5443/2108 (9)

兼濟堂詩集卷之十七目錄

古樂府

短歌行

觀滄海

龜雖壽

薤露歌

蒿里曲

子夜吳歌

四首

燕歌行效曹子桓送田髯淵



PRINTED IN JAPAN  
SUPPLIED BY  
JAPAN PUBLICATIONS TRADING Co., LTD  
TOKYO JAPAN  
日本出版貿易株式会社

禽言 四首

今樂府

哀流民

玉泉篇 三首

琴操

擬將歸操

擬拘幽操

擬雉朝飛操

擬別鶴操

擬龜山操

四言

吏部徐元文別歸錢塘後因海寇阻隔歲暮抵

燕喜賦二章以贈

五言絕句

猶龍與文衣詩有夜雪打空廊君詩在何處之

句文衣和之余步其韻 選六首

春日望西山

山行

高齋讀易

七言絕句

暑月露臥

涿州公解古槐咏

東阿縣南渡河

讀劉夢吉詩

太行返照

嶽廟遠鐘

長橋攬翠

竹逕流水

荷池夜棹

南和秀才周茗柯來謁詩有踏雨搖青葉添燈  
留故人之句余極為賞嘆

遲友人不至 二首

和邑人耿爾瞻 四首

讀迷樓記

題畫

和大司馬梁玉立趙郡風物雜咏

主父沙丘

顏常山祠

望諸君墓

藺相如

漢光武廟

信陵君祠

蕪萸亭

趙陀先塚

送韓康海還內丘

送吳秋林之江寧

三河縣

薊門古漁陽

鳳臺山

賜馬

雨中柬武進羊隨菴

二首

龍槐讌集

西子湖頭春色深

夏日雨後讀書

贈如臯冒丹書字書若

新濟堂詩目 卷十七 龍江書院錄  
題劉公勇手卷

世傳王昭君出塞馬上琵琶及青塚遺迹令人  
哀之余讀史知其嫁呼韓邪單于後生男伊  
屠智牙師爲匈奴右日逐王則亦習而安其  
俗矣故爲絕句以嘲之非敢唐突西子也

雨後林閒聞鶯

讀陸放翁詩

元氏封龍山欲往不果

讀黃庭經

上元夜訪真定張庚星父子

哭大宗伯龔芝麓先生 四首

暮春咏齋中瓶花 戊午

偶得名手畫扇望其蒼黛之色隔絕人閒如置

身雲山深處

有感

又咏楊花 戊午年有咏



新濟堂詩集卷之十一  
之剛化爲繞指六解鴻鴈啣蘆載翔長彼縉繳  
遠至瀟湘七解維水有潯維山有岑高卧雲霞慰此  
素心八解

觀滄海

滄海非東崑崙非西倬彼天漢元氣混齊蓬萊三山  
是邪非邪銀臺金闕侯不乘槎潤色萬物震動九土  
沐日浴月天樞地戶幸甚至哉歌以詠志

龜雖壽

神龜雖壽塊然一物龍德變化超然羅蔚委蛇委蛇

與時偕宜孔光則詐黃石可師達人之理彭殤一視  
隕然任運哀彼代匱幸甚至哉歌以詠志

薤露歌

大海湯湯鴻濛閉兮出日入月景不滅兮人命無常  
遞相閱兮

蒿里曲

天地曠兮悠悠死不復生兮奚憂古今北邙兮高丘  
子夜吳歌

悄悄與郎語聞郎大都去須待春泥乾爲郎治行李



其二

燕京女兒多何如吳下好豈蕊花正開甘作閨中老

其三

鐵甕城邊路掛帆到揚州儂欲隨歡去不是覓封侯

其四

浪船利帆風况是搖輕櫓儂心已斷絕泣涕淚如雨

燕歌行效曹子桓送田髯淵

燕山吳水路修長離筵絲竹發清商古人遺事空斷腸一語知心誰能忘黃鶴千里自翱翔不能奮飛白

雲鄉春寒陰雨忽高涼佳人欲為公子裳天涯回首

一徬徨今夕何夕幸同堂置酒臨風嗟未央長歌忽

下衆星光高車駟馬如履霜懷憂不覺髮毛蒼良平

事業漫相望慙慙執手賦河梁

禽言

行不得哥哥霖雨三月平陸為河欲濟無梁茫茫白

波行不得哥哥

提壺蘆壺蘆提門前青草白雲來栖有酒有肉毋噉

噉而餉厥妻

瘦兒瘦兒南山種麻子東風夜雨麻子浥不見苗秧  
子焉知母心悲悔後遲

不如歸去遠彼贈喬林是處

今樂府

哀流民

田廬水沒無乾處流民紛紛向南去豈意南州不敢  
留白晝閉戶夜躡踞簷前不許稍踟蹰恐有東人不  
我恕上見滄浪之天下顧黃口小兒命也如何婦語  
絮絮逃人逃人分爾獨何爲背爾主使我罹此荼毒  
我將爾詛我欲爾詛其口維坎路有枳杜縊者誰子  
身鳶曉曉旣喙而翫彼蒼者天哀此黎庶

玉泉篇

新濟堂詩集選  
卷之十一  
龍江書院  
玉泉之水橋下過既清且漣非洪波誰家孤子髮初  
純翩翩遊戲城之阿命如飛蛾投漩渦炎天白日怒  
蛟鼉中流失壺空駭戢

其二

呂梁十丈奔如駛丈人常涉涸湍裏  
監子之能不我知魂逐涓涓玉河  
泥褰裳欲往不可止鬼母啾啾髮  
垂耳

其四

嗚呼人閒風濤何其深洞庭既波灑  
瀕侵長鯨礪齒

若霜鐔左徒空弔楚江溥彼君子兮  
大川舟楫濟世而爲心

琴操

擬將歸操

河之水兮波洋洋我不濟兮非無梁迴車東望涕沾裳

擬狗幽操

載瞻西郊兮同雲油油觀象布著兮天道可求率遵祖德兮服事揚休讒人孔棘兮於君何尤終當有悟兮脫我羈囚

擬雉朝飛操

有雉有雉南崗上日出杲杲羽初颺雄弔其雌群雌  
和鳴而飲啄相望我獨何爲兮七十無家皤然成翁  
牧犢中野誰與餉

擬別鶴操

黃鵠海上來翩翩北翼飛弋者誰氏子矰繳發其機  
雄鷓各驚顧悲鳴向落暉構巢五年未生雛雲中相  
傍徘徊欲下將何歸

擬龜山操

望東魯兮龜山蔽之豈不懷歸畏群婢之我疑山之

陰其雨瀰瀰父母之邦實勞我思龜山龜山吾將移  
爾填滄海

四言

吏部徐元文別歸錢塘後因海寇阻隔歲暮抵

燕喜賦二章以贈

白雲鬱鬱栖我草堂彼其之子德音不忘握手言歸  
涉興橫江

橫江旣涉載旋其廬瓶有舊醕架有遺書山樗可采  
澤魴可漁

五言絕句

猶龍與文衣詩有夜雪打空廊君詩在何處

句文衣和之余步其韻

夜雪打空廊梅花窗外冷寒香初放時高韻何人領

其二

夜雪打空廊不知花落處只在風雪中風亦吹不去

其三

夜雪打空廊不聞夜雪響幽人正未眠澹然無所想

其四

東坡先生詩集選 卷之十一 九 青江書院金  
夜雪打空廊迷却天邊樹孤舟一釣翁自識江干路

其五

夜雪打空廊濁醪味正濃夜深人靜後惟有一燈紅

其六

夜雪打空廊君詩在何處君詩猶如雪贈以雪中句

春日望西山

西望見雪山山雪同一色春來雪盡融山光淨如拭

山行

久負青山約今來雲上遊野花滿谷口流水出丹丘

高齋讀易

四聖紹心易秦人不敢焚若會先天意何須龍馬文



七言絕句

暑月露臥

曉夜炎風不肯停閒移繩榻趁孤螢袒胸跣足業陰  
下臥看長河沒曉星

涿州公廨古槐咏

古槐蒼鬱氣如虬飽歷風霜五百秋試看門前車馬  
道紅塵滿日夕陽愁

東阿縣南渡河

長途驛路出東阿草色蒙茸秋色多馬上不知身在

魯臨流錯憶是滹沱

讀劉夢吉詩

鳳覽高風不可攀黃金臺下水漫漫古來誰是真同  
調晉有淵明漢幼安

愜園十景詩

選五首

愜園在城南八里西汪村先子所築也十景  
皆園中之勝

太行返照

山色東奔勢若流深林返景一園收桃源舊址猶堪

賞莫說仙踪古趙州

嶽廟遠鐘

干戈擾擾隔東籬人世興亡總不知夜半鐘聲驚夢  
覺此身不負白雲期

長橋攬翠

汶水編茅成小池千株楊柳向人垂橋邊猶恐春陰  
薄日插新畦三兩枝

竹逕流水

琅玕數畝傍深潭曲水流觴興正酣野客閑來復閑

往蓬居只在此村南

荷池夜掉

一片紅香暮水灣  
幽情更不到雲鬟  
孤舟自愛凌波去  
寒露蒼蒼起白鷗

南和秀才周茗柯來謁詩有踏雨搖青菓添燈

留故人之句余極爲賞嘆

鉄骨冰心人已去  
梅花蕭索幾興悲  
周卽後起稱英妙  
開卷先吟踏雨詩

迎友人不至

南望思鄉不可歸  
清皆有夢尚依依  
遙思昔日登高處  
古樹寒烟鴈正飛

朝來飛雨灑層城  
便有幽思滿畫楹  
黃花裛露誰爲侶  
悵望白雲秋色平

和邑人耿爾瞻

木向南陽臥草廬  
疎庸空傍帝王居  
風塵自古多膠漆  
悔不十年且讀書

其二

君去槐陰葺舊廬桑榆絲繞是幽居獨憐世事耽  
酒看盡床頭鳥篆書

其三

萬姓勞勞未得廬白雲深處可容居耕田鑿井無多  
事閒課兒童小學書

其四

纔到春明便返廬閒雲野鶴不停居他年若著逸民  
傳泐水西林藏異書

讀迷樓記

東去龍舟竟不歸烏銅屏裏醉春暉可憐一炬成焦  
土只有雷塘烏夜飛

題畫

青山一片紫霞堆紅樹桃花相閒開應是天台迷去  
路不教劉阮出雲來

和大司馬梁玉立趙郡風物雜咏

主父沙丘

騎射馳驅盡國中秦廷私覩氣如虹可憐探殼身無  
主草掩沙丘古趙宮

顏常山祠

孤城血戰捍邊陲一死常留萬古祠若解時平崇義士蜀川安得見旌旗

望諸君墓

齊城未破敢言歸代將人來事已非惟有報書垂史策年年古木泣鳥飛

藺相如

氣壓秦廷失媚諧迴車避頗晉崇階當年刎頸因家國不爲交遊挹雅懷

漢光武廟

漢業重興自北來平原突兀見高臺不知鐘虞歸何處空有石人伴草萊

信陵君祠

功高五霸破嬴秦故壘茫茫草色新湯沐至今名尚在不知誰是屠沽人

蕪蕪亭

不忘河北事應論麥飯君臣契託恩寂寞荒亭餘破甑行人指點舊孤村

趙陀先塚

龍川老吏霸羣蠻先塚蒙恩掩故山識命早除黃屋  
制贈金獨重大夫還

送韓康海還內丘

又向蘆溝橋畔行蕭蕭時雨洒春城床頭周易還攜  
去望斷蓬山舊友生

送吳秋林之江寧

時載母南返

八月秋風紅樹稠扁舟一葉下揚州情知不為封侯  
夢載母聊為五岳遊

三河縣

彈丸黑子是三河寥落人家傍水波園佔誰憐民力  
盡城邊驛路正逶迤

薊門古漁陽

北門鎖鑰接遙岑千古空嗟草木深一自興朝定鼎  
後蕭蕭松檜滿山陰

鳳臺山

此地有龍河谷

舊是長城烽火臺高峯崩劣倚天開而今已見真人  
氣雲物先從龍洞來

賜馬

權奇名騎錦雲韉從獵翻蹀過古阡新出宛羣猶戀  
主驕嘶不敢下金鞭

雨中柬武進羊隨菴

時在長椿寺讀  
王覺斯先生集

讀罷文安百卷詩忘言更欲去支離遙知鐘過白雲  
後夢遶江南花雨垂

其二

連朝雨色潤芳疇盡洗炎飈翠欲流誰念招提羊處  
士芭蕉聲裏一燈秋

龍槐讌集

好友何人足論心高槐蔭綠夕陽深傳觴坐對西  
色雄辯由來慶盍簪

西子湖頭春色深

芳蘿誰解識西施一片湖光蕩漾奇欲洗人閒脂粉  
色春風獨立聽鶯兒

夏日雨後讀書

掩關謝客誦奇書松色篁陰翠可茹一室白雲自舒  
卷何須山水問樵漁

贈如臯冒丹書字青若

佳士如今有幾人芙蓉江畔語偏新  
夜談不覺茗瓊咽分得梅花一片春

題劉公勇手卷

不向人間食唾餘空山讀盡五車書  
百泉煙水依然在何必終身臥草廬

世傳王昭君出塞馬上琵琶及青塚遺跡令人

衰之余讀史知其嫁呼韓邪單于後生男伊  
屠智牙師爲匈奴右日逐王則亦習而安其

俗矣故爲絕句以嘲之非敢唐突西子也

漢宮一出號關支博得單于驚喜時生子爲王名昌  
逐相傳青塚也堪疑

雨後林閒聞鶯

雨歇花香草倍青如篁巧囀入林坳  
此聲原不同絲竹惟許幽人陌上聽

讀陸放翁詩

陸子放翁詩萬卷後來老練更疎狂  
須知深得莊騷意莫與唐人較短長



元氏封龍山欲往不果

年來有興欲看山聞說封龍曲幾灣西蜀筇枝無覓處碧雲空鎖水潺潺

讀黃庭經

汗牛充棟書何用一卷黃庭獨起余自笑老夫窮口腹既餐熊掌復貪魚

官至宰輔復欲學長生故云

上元夜訪真定張庚星父子

小門深巷靜無塵一室熙熙物外春杯酒不妨留閣老堯夫當日是天民

哭大宗伯龔步麓先生

海內文章誰與儔一朝零落向山丘故人下盡羊曇淚宣武門前水自流

其二

每共華堂醉錦茵高談雄辯志芳隣三年蘭訊時相憶寶冊今留紫鳳春

其三

扶持正論惟公許共濟時艱我願從生死交情真耐久扁舟丹旆淚淙淙

其四

才華豈但如蘇李經濟應知似范韓竹屋短檠悲夜  
雪素車白馬望江干

暮春咏齋中瓶花 戊午

每到春來自種花花開燦爛似雲霞世人誰解能相  
賞獨與園丁嘖嘖誇

其二

中郎當日有瓶花却恨燕都風裏沙孰似吾齋晴日  
好白雲深處艷奇葩

其三

花開花卸本無情日夕昏鴉噪古城試向來春南陌  
望紛紅依舊遶枝生

偶得名手畫扇望其蒼黛之色隔絕人閒如置  
身雲山深處

層巒疊障隔長谿茅屋斜連春鳥啼幾欲卜居空悵  
望白雲迷路草萋萋

有感

叛逆相連苦戰爭催糧加賦又徵兵誰知堅壁平吳

楚仍是當年細柳營

又咏楊花 戊午年有咏

裊裊空庭輕似雪 依依小院薄如綿 無人知是堤邊柳 占盡春光雨後天

望餘

其三

兼濟堂詩集卷之十八目錄

五言古

日暮自廣阿歸栢漏下一鼓

朝起獨坐

讀杜子美詩

讀李太白詩

夜醒

夏日感懷 十首

五子咏

楊猶龍

魏環極

曹厚菴

申鳧盟

郝雪海

元日懷楊猶龍太史

和白樂天閒坐看書

冬日送人之秦州

贈伯衡周掌科

彥遠胡子浙之高士也隱於河渚偶以求友至

燕余讀其感懷詩渾脫澹宕嘆賞不置然彥

遠不欲數數風塵中於其歸也作此贈之

送胡世其歸贊皇

甲午春流民南走如蟻有夫婦至滹沱河欲渡

舟子素值無以應遂并其子女赴河死余聞

而哀之作投河嘆

趙友槐捐糧賑貧

和龜山先生作

冬日示行志和尚

客有勸余出世者余作此答之

銅雀妓 二首

讀滑稽傳二首

讀殷仲子詩 有引

出燕京右安門自祖氏園至萬泉寺廢城望草

橋浦見丘塚纍纍

思鄉

寄楊猶龍

時官晉臬司

可階從趙夢白先生遊數過從謂我似之悲歌

泣下余愧謝無能作此志贈

選唐詩清覽集作

春日感懷詩 六首

示勳嘉二子詩

觀心

癸丑春申鳧盟寄我杜子美像大名道孔心一

寄我杜詩鈔喜而有咏

殷太師比干墓

悟莫疑

張貞女詩 事在明季萬曆時因覽志而咏之

古風

范子名德基字元生屋武安竹昌林中

七言古

踏青行

白子行送友人白方玉同州幕作也

汪雲礎過訪惠六安茶

題平子遠母馮氏節孝

祝撫院金公壽詩

訪故人不遇留題

七歌 甲午年作

桃源行 有引

雲龍吟 思猶龍學士作也

賦得夏雲多奇峯

秋夜行

辛丑初夏觀蔡子虛年兄卽署就閒詩賦贈

邯鄲少年行 用高達夫韻

申子鳧盟永年人學道工詩余之好友也別後  
或數年而一遇或一年而一遇遇則必相傾  
倒今歲春杪至都談深浮白醉後竟不自知  
踏月而去端陽後復欲歸里余既久宦倦翼  
思還則望申子結廬於洛水之側以俯仰二  
儀錯綜人物凌霄漢而出宇宙勿使禽向笑  
人於千載之上耳於其行也作此贈之

寄謝諫垣諸君子

丙午九月歸里作

中和殿大學士兼冢宰金老先生家藏畫鷹宋

徽宗的筆也閒中命余題之余自愧龔鄙聊  
爲七言古風以咏並請教正

贈彭子士報

讀書嘆

秧歌行

和氏璧行

上谷潘藏山隱於西山年八十矣策蹇予鄙南  
余作侏侏行以贈之

咏杜

過楊忠愍祠

上谷楊忠愍公祠在涿州城北門外

味乃登

味乃登

味乃登

味乃登

味乃登

味乃登

兼濟堂詩集選卷之十八

栢鄉魏裔介貞菴著

男荔彤編輯

五言古

日暮自廣阿歸栢漏下二鼓

暮雲為赤鱗山色堆如髻野叟荷鍾歸坡田曠無際  
倏忽遠逝昏樹杪窮鴉儷路迷仗禮馬膏火明塍啜  
皎月漸吐白浮雲復脫翳晶晶天水光花霧同一氣  
荷衣霜露重肅肅涼颼繼入門頓夷猶烹葵餐粗饌

明起獨坐



病痊久閉門坐息得其處濛濛太古涵雲物自來去  
雙樹植庭陰一鳥向人語我心澹無營冥然安所助

讀杜子美詩

古作多蔚跂茲編實云聖盥手展縹帙肅然起恭敬  
世人誦公詩擷芳資游泳我誦見公心楷模性情正  
救瑄雖云非其意實孤勁一躡不復收驂騶終遠屏  
有語不忘君愴怛忠愛盛飄泊蠶叢閒櫛櫛長鑱柄  
路阻豺虎多身傍干戈橫燦燦沆花詞磊磊夔州詠  
百年歌獨苦斯語汨如迸放舟夷陵後潦倒春華競

天困萬古胸抒發鴻濛性陶冶不可窮世秉詞伯敢  
讀之浹數旬高齋風雨併旣哭復還歌枕藉以爲命  
斯人竟已矣怒焉心如柄

讀李太白詩

三謝與鮑庾江左稱獨步太白更絕塵汗血如飛兔  
擲筆振金石有文懸瀑布萬象羅胸中百代生指顧  
是氣日浩然不祇爲章句沈香亭畔詞諷諫有微趣  
奴祝高將軍才人詎能慕羽翮落九天掛席逐烟霧  
留滯東魯雲蹭蹬采石路我思汾陽王再衍晉陽祚

云誰識此人青蓮慧眼故無知功未酬夜即竟遠戍  
璘也實蠢愚偶而被籠笈龍章與鳳姿豈若爭食鶩  
古今稱謫仙斯言良不誤黃金如可成須並子美鑄  
夜醒

春夜宿齋中睡醒覺夜永呼童然膏炷四壁有餘烟  
長安百萬家悄如太行嶺犬吠時復聞積雪起空冷  
耳目俱寂然中懷獨耿耿乃知喧闐地未嘗無真境  
不必聞晨鐘遽然有深省

夏日感懷

富貴多磨滅貧賤亦支離人生天地間倏忽如颼馳  
魯陽不可倩誰能晚西曦惻惻烈士心常恐智慧衰  
榮名古所尚修業當及時

二

登高望四野四野何蒼茫玄雲倏翕旆炎蒸變清涼  
甘澤沛九土百物以時昌大哉造化功孰可與衡量  
願以頌君子爲龍復爲光

三

好鳥在樊籠不能翺與翔哲士沉下寮焉能遂廢颺

仕路多高足接手藉金張歲星照金馬執戟甘爲郎  
叔夜遇非時多才反致殃至人有愚色盛德貴深藏  
卓哉大易訓知柔亦知剛

四

舉世尚浮華冠蓋自赫奕問以經濟方相對如窮甌  
咄咄殷深源虛名竟何益家國事方殷前箸須一借  
思君久鬱陶奮飛無長翮海月如可拾我欲掛片席

五

瞻彼庭中樹燁燁有光華秋霜未及濡零落頓堪嗟

物華誠有時吾生亦有涯澡身嚴夙夜比德耀晨葩  
懔懔君子願徒聞咏蒹葭

六

宴安迺醜毒聲色亦塵灰試聽遼東鶴累累一何哀  
拔宅乘白雲一去不復回秦皇與漢武古云非仙才  
隨運謀所適對月且啣盃

七

蛄蝼不可陟舊廬且關心年未逾不惑白髮忽來侵  
蟪蛄鳴高樹霞氣變遙岑感此懷怵惕中夜起長吟

兼濟堂詩集選 卷之十八 四 前江書院錄  
終當脫丹黻挾手赴長林

八

少者日以長長者日以老韶年高第人倏已爲枯草  
世謂運推遷非人所能造抑知物亂真自損致伐天  
欲以駐頽顏安得安期棗寡欲而節食庶可延壽考

九

泝原有高士槐濱有達人東西雖一舍無異比屋鄰  
負才各不羈素業自相親絕巘同攀眺孤潭共垂緡  
畢娶師尚長躬耕慕子真嗟哉出處異而我失其淳

倦鳥思故山有巢在荒蕪時因晨風發良懷佳句新

十

宇宙日以新文章最汗漫諸子各簧鼓百家若河漢  
自非卓犖識珠沙孰能判嗟余束髮時受業觀爰豸  
四十竟無聞坐惜光華旦嘗聞聖人言約禮斯弗畔  
庶用警餘年勤補拙之半

五子咏

楊猶龍

揚子氣豁如愛賢如不及賦詩敵少陵感慨時欲泣

嵯峨萬仞崗振衣自獨立每見必怡顏清風穆可挹

魏環極

吾宗雪齋子屹然古人風苞苴不敢至門庭閒若空  
歲食并州米疏震日華東鄭公猶可見翹首送歸鴻

曹厚菴

厚菴精名理著書繼濂洛體用既兼全聖道豈如爨  
訓士良有方由博以返約一疏振紀綱千人自諾諾  
偉哉文清儔大雅欣有託

申鳧盟

風雅道寢衰百家矜藻絢孰識古人心清微自相禪  
平干有奇姿氣高體亦變高齋數論文未覺隙光宴

郝雪海

郝生不羈士冰雪淨聰明方畧萬人敵抵掌死生輕  
志大才頗踈飄泊中山城我欲往從之共作千日醒

元日懷猶龍楊太史

然燈照一室寥寥萬慮空燕臺風物冷春至不聞鴻  
閉門無酬酢憑几理絲桐終始有天運大哉盤古翁  
美人在何許琉璃蘭若東

和白樂天閒坐看書

朝罷即掩關中庭啖秋果蕭散百餘步復向齋中坐  
坐久展書讀炯炯見福禍名以干進亡身因求利墮  
何況戀妖姬自甘縛韁鎖亦有耽麴蘖翠羽包焦火  
人生染此毒動靜無一可所以學道人曠蕩觀真我

冬日送人之秦州

古人重友誼所信非徒然文章關聲氣况乃出高賢  
君今赴關隴綵筆攜雲烟嚴冬凜積雪班馬蝟如拳  
執手一相送斗酒且俄延衆賓各有贈我意更纏綿

天下方多事撫綏宜爲先努力要春華及茲智慧年  
倘有和杜詩莫惜寄瑤篇

贈伯衡周掌科

孔雀奮赤霄寒泉逢魃觸古人有是言初聞猶恍惚  
懷仁衆所尚斯意豈碌碌嗟余閱世煩樸樵同槁木  
八載東華道風塵消髀肉歸來倚劔嘯白雲滿秋屋  
近交得周子豁然怡心目抗議文石陞宗廟瑚璉肅  
慷慨念遺黎慘淡歌采菑洪流方浩浩中原走蛇虺  
且共虎賁飲莫向季子卜日暮悲風來爲君一擊筑

彥遠胡子浙之高士也隱於河渚偶以求友至  
燕余讀其感懷詩渾脫澹宕嘆賞不置然彥  
遠不欲數數風塵中於其歸也作此贈之

東南有一士恥作老書蟬北至無終國西過首陽岑  
跣足豈云勞曠覽一何深遺我一卷詩佶聳多遐音  
展讀未及竟風雨掩孤鐔昔聞無功子結廬汾之陰  
有友仲長氏相對但成瘖君今栖河渚千載諒同心  
冥然觀元化不敢問浮沉况我茅堂下名酒尚可斟  
忽復感時事高懷失古今飛鴻啼錯落廣廈誰能任

置之勿復道歸臥聽春禽

送胡世其歸贊皇

予爲太賢後郊外有名園賜書蒲鄴架十載閉柴門  
擬翻來都下相見多嘉言言亦何所道但云山中好  
命雲幕庭除花落常不掃聞之怡余顏忽復傷懷抱  
歲寒凋萬物今已生春草五行暗鑠人盜之而使槁  
若不豁雙瞳金石焉能保子歸待竹林明月紛浩浩  
余將拂衣去抱甕以終老

甲午春流民南走如蟻有夫婦至潞沱河欲渡

舟子索值無以應遂並其子女赴河死余聞而哀之作投河嘆

望望棄故里蹙蹙度層阿積雪愁未盡寒雨漫長坡  
豈不念鄉間命也嬰禍羅行期計匝月遙望見滹沱  
滹沱何澎湃春風增白波對此心怵惕四顧空延俄  
饑夫前致詞亦欲渡此河離鄉日已遠無食一身多  
况今襤褸婦黃口一肩駝但獲渡濟去冥報豈有他  
舟子瞪目視笑為船上歌饑夫語饑婦我當莖蛟鼉  
爾挾懷中糲丐食行逶迤饑婦更無語長號赴奔渦

饑夫投其糲 州命同飛蛾是時天地黯慘色起嗟峨  
饑民岸林立一泣空跌蹉哀哉今之民而不如鴛鴦

趙友槐捐糧賑貧

古道日以淪越人視秦瘡際此兵燹餘原野一蕭索  
呱呱誰家子捐棄在長陌王祭賦何悲鄭俠圖空嘖  
所思在平原養士扶國厄趙君躡遺踪高風猶如昔  
指困活萬家邑間均膏霽緩急物之時誰能無屯阨  
何為素封者撲蒲不知割君看金谷圍旋為狐兔宅  
積善惟天知食報自無斁



和龜山先生作

此日不再得莫問滄與桑忽忽度春華何以對彼蒼  
嗟余近四十已非日出光爲學有大原所貴復其陽  
此理苟不昧旁燭神無方放之則六合卷之亦針芒  
富貴非所欲能用則爲藏貧賤豈可惡自屈卽爲戕  
朱門多肉食白屋困糟糠立志宜卓然密之於退藏  
展卷思古人字字遺澤芳寡欲而存心不息乃純剛  
譬彼南飛鴈秋至莫徬徨衡陽與冀北天路豈云長  
吾道非他岐允執是康莊奈何舍真意買櫝綴詞章

齊龍與繡虎馳聲翰墨場聲利如大國斧斤繼牛羊  
所學事云何移宅而妻忘我誦龜山詩發憤願自強  
至寶非高深無勞梯與航有求則得之優游守其常  
朗然方寸閒終不可淪亡莫待蹉跎後老夫徒悲傷  
嘗聞聖人言克念卽非狂

冬日示行志和尚

佛爲青淨理禪乃解脫門無一法可說所貴悟其原  
聖道惟至誠雍雍典禮尊洗心秉太亨萬勿豈能渾  
究亦不剝落終古浩然存兼善與獨善大小各有源

上人試自証紛紛何足論

客有勸余出世者余作此答之

易簡是丹元大道為羣母立德而立言精神貴不朽  
濂溪與明道千載有真壽何況孔顏者天地俱悠久  
陽德方長時元吉在初九反復法天行兢兢夙夜守  
勿忘勿助聞不必金飛肘

銅雀奴

阿瞞負雄才生平實多惡  
峩峩漳水濱華屋充羅縠  
賣履與公香遙望西陵哭  
何如燕昭王金臺為士築

其二

總帳圍雕欄美人顏如玉  
諸侯多俘囚猶苦不知足  
白日速陰風管絃尚調曲  
不見漢天子一妻遭囚辱

讀滑稽傳二首

叔敖本賢臣忠廉無與比  
治楚楚以興闢地幾千里  
盡瘁殞厥身咨嗟在將死  
託子於優孟群臣良可恥  
譚笑儼衣冠山居歌非俚  
寢丘四百戶十世奉其祀  
楚相不足為婦言有妙理

羸季縱淫荒阿房窮塗墮  
赭衣遍道塗驪山工未寘

元元迫湯火鬼神亦瘳悸乃至欲漆城黝然光可被  
嘉哉旃侏儒一言回狂恣蕩蕩雖非難蔭室未易植  
斯高據要津而口竟爲鼻哀哉古鄙夫胡不如優嬖

讀殷仲子詩

有引

殷淵字仲泓者廣平郡之鷄澤人少負奇志  
與兄伯巖俱知名燕趙間常坐臥一小樓讀  
書數年欲大有所建立會流寇破京師乃死  
於郡西廣羊山年友楊太史以其遺詩示余  
余讀而哭之嗚咽不能已乃爲詩以誌且屬  
太史爲之傳太史仲泓筆硯友也

涼風颯然來晏坐北窓下展讀一卷書字字皆瀟灑  
忽而毛髮豎歌哭不可假絕命於西山豈望人知者

吾廬距數舍聞聲相思也乃今得神交焚香奠杯掌  
赫號繞怒虹滂沱淚盈把仲泓忽可叫奇雲突高厦  
至友有楊子爲文婉風雅作傳十年後墨胎祀同社  
差哉不義徒富貴如飄瓦

出燕京右安門自祖氏園至萬泉寺廢城望草

橋浦見丘塚纍纍

城中屋炎炎城外塚件件炎炎土上人件件人在土  
百年瞬息耳來去誰爲主是人未土時有氣悍如虎  
百欲養一身惟恐致些窳胡爲忽棄捐甘與枯草伍

新濟堂詩集選 卷之十八 三 龍江書院鈔  
但見紙錢飛白楊蔭石戶狐兔爲其隣螻蟻爲其蠹  
策馬過問之有言終不吐去去勿復道登高望遙浦  
傳是耶律城今惟餘殘堵陵闕盡灰墮瑣瑣安足數  
易水有新釀飲之消愁苦及今不爲樂去日安可補  
咫尺野雲來杏花雜風雨

思鄉

連歲領烏臺憂傷頓欲老故人多隔絕不得相傾倒  
日月如逝波但見原上草子女稍長成幸可慰懷抱  
有兄在彭城有弟淮陽道霜月動鄉思月白紛浩浩

寄楊猶龍

時官晉臬司

昔在丙戌歲釋褐拜金闈其入木天署嘉言比弦章  
討論無虛日妙義燦珠璣黽勉歷寒暑索米忘其饑  
余時官瑣闥君行入紫薇是時宵人聚天門高巍巍  
雲中旣不突豫章復合圍人心佈風鶴草木盛蕤葳  
遂令豺狼徒漸欲薄王畿余時抗疏上金賜諫臣歸  
示網欲踈濶民生尚嗚噫哀哉余薄祐煢煢失所依  
言塊自寢息風木空歔歔我友念獨切三載同病靡  
雙鯉日日寄文綺有光輝區區賤子心不得遂初衣

豈特感君恩兼以慰所睎春日柳濯濯駕言四牡駢  
聚首每達旦語語色欲飛唱和千百篇敝篋盡芳菲  
以此爲歲月不復憂讒譏直欲凌摩詰豈惟陋李頎  
海內有心人負笈策輕肥願言見楊子晰義於芒微  
一麾赴晉臬冤滯察其幾陰德銷鉗網質成忘是非  
連月音書來寸心願勿違緜懷元白交千里夢魂依  
惠莊喻郢質匠石聽斤揮我友不得見雨雪漫霏霏  
遙望太行岑羊腸不可刳庶幾脫簪笏拂竿共釣磯  
可階從趙夢白先生遊數過從謂我似之悲歌

泣下余愧謝無能作此志贈

美人日以遠嘉言日以閉回首涕河干欲洒千行涕  
我生甫垂髫猶及見曩制奄忽鬢毛班光景如隔世  
翩翩豪右子衮服多妖麗所寶惟孔方口腹適甘脆  
不見白屋人饑寒困塗泥郭君有古風悲歌守窮歲  
裂眚不義徒云我諳大計庶幾忠毅公孤雲同搖曳  
嗟余材力薄清節焉可繼黽勉夙夜心坐擁百城勢  
看劍與檢書北窓當共憇莫使毛薛公千載空遐契

選唐詩清覽集作

鴻濛啟元運靈淑鍾人紀喜起肇賡歌風雅隆周祀  
漢魏有升降六朝多靡綺卓哉貞觀君世濟擅厥美  
磊磊富瓊枝寧獨杜與李歷下重格調竟陵采幽旨  
遙遙古人心笙竽若隔耳大道已曠邈澆氣顧莫止  
鎮以中和音萬物返其始

春日感懷詩

少伯霸越後五湖烟水清子房學辟穀欲從赤松行  
古之賢達人脫屣視公卿而我竟何事高臥占燕京  
寒威日凜冽三月及清明春風度楊柳百卉始向榮

啾啾榆枋閒鳥雀自相爭何如空山下萋萋芳草生  
桃花蔽夾岸冷冷湖水鳴念此長人息流涕濡冠纓  
歸與會有時遙憶古人情

其二

種樹以爲林結茅以成屋家有負郭田聊足供饘粥  
春風樹若黛秋雨山如沐二三老農人戴笠牧黃犢  
此事樂有餘此生甘鹿鹿虛名煎膏火途窮見車覆  
憂來每無方顛毛種種禿座右金人銘朝夕事三復  
錢鏗真吾師敬慎以爲轂

其三

范丹釜生塵曲逆家落魄張陳與蕭朱衡纒爭強弱  
所以朱公叔絕交甘寂寞人生重友朋明信以爲約  
鬱鬱青松色歲寒終不削愧彼桃李花方春競絢焯  
余家世燕趙由來恥浮薄策馬古鄆城遙望邯鄲郭  
桓桓信陵君仗義資大畧好與屠沽游孤寒欣有託  
嘆息斯人去仁風不可作

其四

猶龍與鳥盟我輩論文早王孟如復生晨夕相傾倒

晚得巢壑子浩歌天地老仗劍走西秦尋源崑崙道  
不見古時人唯見連天草長鋏復歸來黃鵠翔蒼昊  
莫効隨陽鴈飲啄謀梁稻庶幾其夷猶廣羊山色好  
巢壑子殷岳也  
也鷄澤人

其五

展轉不能寐然燭照空房童僕俱靜默鷄鳴夜未央  
起視天宇濶晶晶衆星光招搖尚西指參畢忽已藏  
憶昨庚子歲太史占災祥熒惑與長庚凌犯互相傷  
冬初彗孛出識者多憂皇豈料春正月鼎湖龍飛翔

袞衣不可見悵望白雲鄉

其六

芒屨沿溪行西至白雲院白雲自去來不見古人面  
松陰羽士家晨爨炊香飯曲逕轉幽篁綸巾雜丹篆  
對此默無言玉液思修鍊當年長春子萬里走雪山  
諄諄不嗜殺沙漠霽龍顏乃知言仙術仍欲濟時艱  
安得戰伐息蒼岫閉松關

示勦嘉二子詩

吾年五十餘氣血漸衰老爾等業未成使我縈懷抱

長者頗知書歐李筆法好次者畢論孟未知敷文藻  
老子復何爲日日東華道豈不念鄉閭林園多茂草  
欣逢日初昇海內未襁褓歲值丙午春天賜豐年造  
倉鳩鳴黃桑麥秀發岐早秋禾遍郊原水田足香稻  
吾將歸乎來高歌問瀛島

是歲九月  
杲果歸里

觀心

周孔扶名教佛老言生死統此一心耳天人紛其指  
我常坐高齋兀兀念不起一燈照空帷寂然心欲死  
心豈真死哉澄澄澄備萬理氣化日乘除靈源有終始



廣大自精微先須去其累明月照長空寒夜天如水  
癸丑春申鳧盟寄我杜子美像大名道孔心一

寄我杜詩鈔喜而有咏

既獲子美像又得杜詩鈔拜像慰吾心讀詩締石交  
憶昔天寶歲安史並咆哮河朔堅城破鋒鏑過函嶠  
公起居諫職救琯謫草茅漂泊至西蜀涕泣落山坳  
鹽車厄騾駟涉蹄困龍蛟如何忠義性百死不可拋  
惜哉不再用幕府老江郊

殷太師比干墓

商受荒厥緒毒痛遍九土賢聖六七君感慨成今古  
太師懷忠烈殺身對宗祖世運幾千年巍我崇廟廡  
不馨周俎豆獨沐殷風雨我聞尼父筆龍圖豁羣瞽  
倘聽諫輔言八百豈敢侮空明七竅心不悟淫酗主  
碧血化白虹鷹揚已耀武馬鬣比華崧箕尾照淇滸  
既仁亦且聖憑弔過南浦

悟莫疑

人生患不悟既悟苦猶疑好聲莫好色好色死之基  
好酒莫好利好利禍之資作詩願會適切忌在傷時

著書亦可樂無識莫強爲古來聞達士勞苦瘁四肢  
策足據要津履險無坦夷所得僅毫末所失萬有奇  
不見却鞫道黃梁一夢癡華亭與上蔡失足更可悲  
功名留竹帛如鳥過目而寄語青雲人既悟不必疑  
張貞女詩 事在明季萬曆時因覽志而咏之  
既仕而殉難此乃士之常既嫁而殉節此乃婦之常  
偉哉張貞女晰義於毫芒一言諧秦晉生死爲楊卽  
何必車百兩何必繻千箱何必合卺爵何必共笙簧  
矢志在同穴盟言不可忘聞訃痛欲絕對媪洗紅粧

相從于地下形化骨猶香祖媪再勸慰爾何太匆忙  
生亦可守節何必遽殞亡女言若不死許我往奔喪  
否則必決絕勿用徒憂傷媪與伊父謀是女性德剛  
不如且從之徐與議權量女乃至墓側衰服哭悽愴  
哀感動路人天地爲激昂以手抉其墓遂欲共幽藏  
祖媪垂涕泗爾死我亦戕女言依我語易髻拜姑嫜  
姊妹及儻從私語共徬徨自古豈有此無乃罹于殃  
女言我意定廟見歸其房入厨作羹飧上堂供稻粱  
楊呼爲冢婦嘆息此姬姜居諸倏數月蟲語變蛩螿

祖媪從容語大義亦允臧宜圖水上語鸞鳳共翱翔  
華鈿耀寶釧明珠綴兩襟流蘇垂錦繡交頸許鴛鴦  
車馬如流水兒女必成行女言此何語人生亦有良  
百年瞬息耳終歸於北邙幼讀列女傳仰止如堂皇  
耿耿鉄石心寸寸斷柔腸隨俗雖可悅豈不負義方  
毀容碎珍衣漸至減水漿絕粒以待斃附葬藁砧傍  
作傳者李子叙次頗贍詳余幼聞此事愧乏瓊瑰章  
茲讀南亭志瓣香爲表揚古之貞女多如此實難當  
士而若此者古惟有首陽西山采薇食千古其頡頏

寄語衿悅人彤管有芬芳

古風

農家有真樂歸田始得知一犁耕初雨五月織新絲  
墻頭梨棗熟鳥雀莫令窺圃內蔬菜長灌溉不失期  
秋成但得半豈復愁朝饑雖曰官租急幸免戍邊陲  
晚黍况已茂新釀日可期入門喚婦子客至速爲炊  
范子名德基字元生屋武安竹昌林中

漢有臺孝威隱於武安山采藥以自給鑿穴巉巖間  
州郡辟不就日聽水潺潺存神養性命外物不能奸

茲事載史冊高風邈難攀范子通大道陰陽自循環  
捐棄名與利竭來其我閒夜深相對語青燈照心顏  
叅同與悟真其中有可刪何以相勗勉林下閉松關

七言古

踏青行

野外尋春春未去踏青偏向桃花處三株五株發村  
邊梨花杏花花相助便令童子呼濁醪仰天大笑且  
蹲踞追憶當年掌絲綸百年機務勞思慮一從予告  
在田閒觸熱衝寒皆不預豈無傾葵向日心自有羲  
和執日御漢家天下已太平才非留侯奚借箸冥然  
一醉玉山頽雲橫谷口青溪曙

白子行送友人白方玉同州幕作也

白子白子將西征一劍崩緱何飄零翩翩記室豈所  
願暫曳珠履說公卿憶昔文場曾酣戰奎光直射天  
香殿主司頭腦大冬烘過眼誰知五色變邇來託志  
在柴桑高歌獨怡甕牖光就余鄴架檢縹緗酌一  
枕到羲皇區區槐城大如斗素心知己復何有短衣  
匹馬去蕭然秋原落葉幾回首嗟乎哉古人豪貴成  
丘塍今人鬻市鐵冶何足憑權門躡啗不下士誰是  
原嘗與春陵西去同州隣華嶽雙手好將白雲捉大  
呼希夷陳先生芙蓉片片待余踔

汪雲礎過訪惠六安茶

十年探藻縹緗庫射策彤廷稱獨步種就河陽一縣  
花五斗忽念折腰誤俠氣翩翩藐二豪一官輕視等  
鴻毛掉頭東去廬江側拍浮酒船持蟹螯邇來壯志  
悲拓落暫典荷衣別猿鶴一劍孤懸走栢人叩門傾  
倒開寂寞寄我新茗汲水烹乳花浮面嗅清英高譚  
四座珠璣錯暑炎全消涼颺生君不見古人縱橫有  
舌在爲虎爲鼠多變改明朝馬首向燕臺人言公才  
大如海

大賦題平子遠母馮氏節孝

黃鵠歌聲夜未央  
燕山越水道路長  
嚶陶佐治淳且良  
以德化民比仇香  
清風兩袖惟空囊  
三女一子泣他鄉  
夢魂飄緲度關梁  
泪流洒血染衣裳  
數卷蠹魚遺青箱  
孤兒成立不復僵  
春日零露秋嚴霜  
屢試不第歸路忙  
卞和哭玉荆山陽  
六走長安乞詩章  
掃門曳裾上華堂  
自咏新什聲琅琅  
彙粹風雅滿縹緲  
如金石兮如琳瑯  
我續列女闡幽光  
得此配之祀羶腳  
賢母孝子家世昌

祝撫院金公壽詩

辛亥十月初七日

山嵯峨水洋洋  
產生偉人氣昂藏  
少年腹笥飽縹緲  
司馬家風比琳瑯  
菱荷爲衣芙蓉裳  
二十早登玉尺堂  
尚書粉署舌含香  
清通簡要不尋常  
三銓頌美度汪洋  
盡收驕驕與飛黃  
海上風烟颺起狂  
樓船南下旌旆揚

天

子旰食念水鄉  
特簡精忠招陸梁  
知公大才濟川航  
耑勅宣揚德意長  
襁褓東海盡遐荒  
約束循覆如驅羊  
當宁奏對現禎祥  
嘉公懋績在風檣  
銀臺晉秩錄

東坡先生詩集卷之十八  
封章憲臺正色効贊襄遂開大府莅恒陽燕趙宣雲  
惠澤颺衽席萬民皆殷昌水衝沙壓田瘠荒抗疏論  
列爲除將時際亢暘作災殃視民如傷痛中腸請蠲  
請賑不遺忘桑麻千里無流亡清操不染食玉漿勞  
謙君子誌循墻百城凜凜若懷霜十部從事札十行  
十月小春鴈南翔鈴閣高處金琅璫公方振衣千仞  
岡青島來傳鼓銀簧瑤池綵衣雙鳳凰我公額生百  
寶光不須龍宮寫禁方直心已入遐佛場爲公高舉  
九霞觴

訪故人不遇留題

憶昔數年之前曾此遊高歌痛飲恣傾倒倜儻不羣  
者誰與子之意氣如雲凌蒼昊幾歲寄我空中書藏  
君隻字比瑤草長安市上再相逢握手爲歡杼懷抱  
造化困我久支離伏枕驚詫春光老起來策杖任聽  
之兀兀歎段東華道門對高城蔭樾幽西望青山黛  
色早一丘一壑饒奇姿竹樹交翳橫荇藻剝啄柴門  
三徑開稚子烹葵薦梨棗倒床黑甜午夢鼾栩栩真  
覺華胥好腹中有話空咽回墨瀋淋漓已成稿寄語

司閻他日來塔石莫惜爲我掃

七歌 甲午年作

嗟余弱冠未知名趼足十載走荒城途窮友遭俗眼  
白披裘帶索笑零丁上書一朝見天子夜半前席在  
承明金盤薦食何足羨通經稽古有餘榮嗚呼一歌  
兮歌初放眼光直出牛背上

二

生年忽已三十九我父見背在己丑寒雲滿空雪滿  
山但望松楸如疾首遺書滿篋不能讀直筆欲繼班

馬後 先子著有明書未竟 平野堂前十畝園松竹當年手自培

嗚呼二歌兮歌思哀悲風颭颭從天來 平野堂在柳庄

三

母之祖考出於張有明正人官職方撫我鞠我多聖  
善歎歲會甘啖粃糠教兒讀書婦紡織篝燈不知寒  
夜長兩兒今已衣朱襮負米何由上高堂嗚呼三歌  
兮歌聲咽蟲聲滿壁愁如結 正人張職方載趙忠毅公文集孫北海畿輔人

志物

四



有兄有兄大江西兄時作令建昌折腰作吏亦何為彭澤浪

翻蛟龍怒匡廬翠嶺連九疑白鹿春雲搖古樹扁舟

何處問幽奇雙魚欲寄無黃犬三年不見空相思嗚

呼四歌兮仰天喟中夜徬徨不可寐

五

有姊有姊嫁瘦陶中年無病忽催凋光風轉蕙崇

謝幽室一閉不復朝爾獨何為不相待使余慈母音

曉曉從爾地下爾知否諸孤遺恨泣清宵嗚呼五歌

兮歌未歇甥其思之慎勿忽母以哭姊卒

六

有妹有妹志獨立良人蚤沒獨掩泣生兒命苦無父

師一經喃喃手自執夜半時聞黃鵠歌共姜守義幼

所習二冬紡績供舅姑寒飈飛雪空房急嗚呼六歌

兮長太息白日淒淒澹無色

七

有弟有弟志不下俶儻權奇擬天馬饑寒不救妻子

啼高文落紙多魚雅十年困頓未逢時薦福千本碑

空打高秋爽氣合奮飛一朝剋蓋傾洛社嗚呼七歌

兮歌欲停念爾高齋對翠屏

桃源行 有序

昔晉有高士陶淵明置身三代嘆其身遭劉宋禪代之際世之人莫已知也故作桃花源源記綴之詩以自明其古處其文云此中人語云不足為外人道也嗚呼非此中人足道乎又云劉子驥親往未果後遂無問津者嗚呼非其人津可問乎乃唐人如王摩詰劉夢得韓退之等皆以桃源為神仙而東坡亦不能辨以為漁人所見乃避秦者之了孫是皆無異於說夢也余嘗熟讀陶集偶有所見擬作數句雖詞意膚淺庶幾窺於作者之意云爾

淵明自謂羲皇人作為詩記擬避秦秦人宋人一而已詐力篡殺不足詢柴桑自有桃源渡洞口雲深落

英聚鷄犬尚有古音聲衣裳不作新制度此中避世可千年春花秋月自姍姍峽中不知人何事世人遙望惟青山山色溪光終不改武陵白雲自相待却笑時人欲問津避秦之宅竟安在

雲龍吟

思猶龍學士作也

昔有退之與東野欲為雲龍相追逐抒其不平之嗚吾友又見猶龍氏斯臆無猜其此生奈何落羽復分飛驚心雷雨之研劄西出丹陁塞南走城臯道汾水悠悠無盡時黃河東下連滄島安得與子徘徊鉅鹿

下讀史遷奇文之浩浩不然憂能傷人使我鬚髮皓  
白如雪而將老

賦得夏雲多奇峰

五月六月雨時作奇雲蔚跂紛錯落倏見莽泱抱日  
流旋與回風相磅礴亭亭一柱峙太空混茫元氣通  
寥廓森森岩岫列千層明霞碧淵耀丹艷天台鴈宕  
何足多五岳真容起空漠世人見雲不見峰豈知峰  
卽爲雲橐峰雲變化無窮時造物神力誰厚薄憶昔  
曾懷向平心青鞋布襪冠竹籜婚嫁未畢禽慶往誰

能支策凌飛鶴以茲感嘆望雲峰醉眼常存占丘壑

秋夜行

寒風一夜悲騷屑萬木蕭疎晚秋節白雲在天鬱不  
流梧桐半死芙蓉折畫堂張宴鼓青絲霓裳六么相  
閒之美人二八顏如玉目成心許恨別離悵別離分  
可柰何我今作歌爲君歌

辛丑初夏觀蔡子虛年兄卽署就閒詩賦贈

大雅廢墮三十祀夢白之後謫仙死鄭衛雜奏盡淫  
哇吹以緜笙若隔耳君才卓犖本不羣十年讀書淡

水漬句句驚人飛鳴勢俯視卮言若蠓蚊昨日遺我  
詩一帙展卷光氣已氤氳薔薇盟手然後讀讀之爽  
氣凌高雲點檢生平發深省惻惻遺氓望引領古風  
直逼元道州流涕欲叫閻闔迴春來萬事等塵埃春  
圃春花爛熳開羨君獨具有詩才富貴於君何有哉

邯鄲少年行

用高達夫韻

邯鄲少年良家子輕裘肥馬平千里拒守朱仙曾突  
陣大戰凌河身未死時移事去何紛紛易水燕山大  
纛屯負米何曾逢李白有策不得獻吾君君不見今

日交情薄五侯七貴自相索以茲抱犢西山遊欲將

仙人大藥求夢回明月寒燈夜猶憶射雉三十頭

崇禎

末年流寇與左良玉戰朱  
仙鎮大清兵圍大凌河

申子鳧盟永年人學道工詩余之好友也別後

或數年而一遇或一年而一遇遇則必相傾

倒今歲春杪至都談深浮白醉後竟不自知

踏月而去端陽後復欲歸里余既久宦倦翼

思還則望申子結廬於洛水之側以俯仰二

儀錯綜人物凌霄漢而出宇宙勿使禽尚笑

人於千載之上耳於其行也作此贈之

數年不見心若失一年不見心轉迷春消夏長子來  
思夜飲香醪醉不知平頭奴子歌吳曲百轉流鶯耳  
半癡子才超踔如騷裏不上春官愛紅蓼依人羞登  
王粲樓訪友常理山陰棹好奇兄弟似岑參閉戶讀  
書千百函每至孫登長嘯處笑指堯夫舊草菴余也  
仕宦風塵久潦倒天涯將白首今世知我有涵三叉  
有伯巖稱黃耆與子落落成二人不分廊廟及畎畝  
興酣搖筆驚鬼神愁來白眼拋敝帚學宗滄海祖岱

嶽孰問行潦並培塿子今歸去洛水東烹煉丹砂慕  
葛洪扶持元氣灑虛空三十六帝外臣同臨別何必  
灑淚紅待余青鞋布襪枕石激流彈琴而咏先生之  
風

寄謝諫垣諸君子 丙午九月歸里作

衣一箱書一駝行李西渡桑乾河桑乾之水水揚波  
諫議大夫十二人設筵張席離國門離國門一何遠  
執手叮嚀歸莫晚主聖臣賢千載期房杜魏宋是良  
師感君情念君厚鶴怨猿啼雖可憐金門好友應難

負唱驪駒重進酒日暮西風幾回首古來賢達皆相  
知誰繪丹青傳不朽

中和殿大學士兼冢宰金老先生家藏畫鷹宋  
徽宗的筆也閒中命余題之余自愧弁鄙聊  
爲七言古風以咏並請教正

氣應少臯爽鳩氏勁翮森竦勢欲起人言此是海東  
青飛過碣石三千里三千里外集橫木虞人巧計相  
羈服一朝獻入長楊宮日食大官庖下肉華紵金銀  
逸氣生爪如銀鈎足枯荆尾疏臆濶日常側雄心慘

澹若經營伏盡秋高商飈發翠萃雷電動雲關獵師  
相將始出籠礪砌下韝色若飈草枯木落狐兔驕凌  
霄一縱搏飄颻須臾洒血滿平地龍媒照夜競鳴鑣  
功成歸來振毛羽恥與燕雀同儔伍畫壁猶令凡鳥  
驚丹青仍貯雲臺府君不見祝融之精爲鳳凰五德  
俱備羽虫王千年一見煥文章鵲鳥自古比忠臣周  
之尚父稱鷹揚閔天散宜且爽回翔翔

贈彭子士報

長安擾擾人如傀儡誰識塵埃有彼美酒甘如醴爲君

傾耳熱風生悲歌起悲莫悲兮人壽之不可期樂莫  
樂兮吾心之可自喜談詩說劍颯颯而驚人夢魂飄  
渺烟蘿裏扁舟一葉下邗溝北固山前弔江水六朝  
衰柳尚淒迷寒鴉飛盡宮墻圮歌舞粉黛何足多可  
惜古之才人今已死今已死塚累累花鈿寶釧媚室  
人輕裘駿馬驕閭里有錢自入衛霍門誰肯解衣衣  
寒士買犢歸種梁苑田把竿還釣睢陽濬勸我休從  
赤松遊且留黃閣蘇瘡瘡感君盛意欲徘徊成功若  
退天之理策蹇秋風大陸澤澆花淪茗待吾子

讀書嘆

古之人得時則駕不得其時則蓬累而行况已宦遊  
三十載游登臺閣與公卿以茲掛冠辭魏闕翩然學  
作東陵生不羨人間萬鍾粟不羨凌煙閣上名朝餐  
一溢米夜發一囊書燈下細字眼猶明汗青得失紛  
縱橫讀之三嘆臥前楹朋儕年來半死生文章嗶嗶  
向誰鳴不如棄書學躬耕一犁春雨晚來晴暄嶠山  
前白雲平六角黃牛蔽蔓荆落日西風短鬢撐但見  
曠野與荒城歸來好共妻孥語糲食不惹夢魂驚

秧歌行

鳳陽婦女唱秧歌年年正月渡黃河北風飛雪沙撲  
面皴皴臉鼓自婆娑衣衫襤褸帕在首自言出門日  
已久前年壽州無雨澤今歲泗州決河口父母生我  
亦嬌姿藏在深閨學絡絲織成合歡鴛鴦被嫁與輕  
薄年少兒少年輕薄習賭博日日娼家醉平不粧奩  
典盡鬻黃牛公姑頭童齒已落我唱秧歌度年年完  
了官租還種田南來北往如飛鴻如此艱辛之可憐

和氏璧行

爲溲陶蔡荆石作也荆石與余家小匠獻良  
爲姻戚有才不售于時以病死年僅二十九  
耳其友王子服蕪湖人哭之慟且徵詩以誌  
不朽余念荆石且高子服之義作此令子服  
焚之以告荆石冥  
漠中可泣下也

荆山有玉無人識埋在深巖古澗側元氣內蘊真質  
藏落落頑石同一色山中流水自潺湲漠漠平林織  
寒煙遊人樵牧不敢顧夜夜孤光上燭天下和亦是  
楚國人家傍荆山來往頻雙眸閃閃如掣電手剪棘  
蔓披荒榛始焉駭愕再嘆息此物良爲天廟珍抱璞  
自詣郢中獻剛足屢遭讒妬嗔返向荆山三日泣低



昂天地撼鬼神感召君王剖石璞一朝琬琰出輪囷  
自此和璧傳海內連城聲價重嬴秦蔡子荆石真奇  
俊灑若鯤鵬乘海運南溟三千水若雲扶搖九萬風  
斯迅才高能賦鸚鵡文弱冠已作鸞鶴論自矜平步  
上青雲自誇走馬曲江濱連戰文場不得意蕭條抱  
膝對秋旻一朝二豎膏肓起白玉樓成長吉死鐵網  
未舉珊瑚碎合浦珠移鮫人徙豫章木秀林先摧蘭  
茝香生霜偏靡哀哀孤嫠斷猿腸黃鵠歌殘熊丸止  
蕪湖有王子意氣凌蒼昊夙昔定石交鷄壇車笠好

爲位哭之涕滂沱裹糧北走邯鄲道蹇驢破帽衝門  
泥陌錢爨絮踏宿草馬牛襟裾何足云徵求珠玉搥  
懷抱我思荆石若卞和獻玉未售苦蹉跎不作頑仙  
作才鬼世人肉眼可柰何莫倩青蠅作弔客有友王  
子良足多嗚呼有友王子良足多

上谷潘藏山隱於西山年八十矣策蹇至鄙南

余作侁侁行以贈之

生平結交走侁侁富貴利達喪其真詩書道義如墻  
壁彎弓下石起怒嗔潘子藏山無物累翛然古貌含

太淳芒屨西度飛狐嶺鳩杖南遊槐水濱問君來往  
有何事念此一片素心人素心相與四十載易水白  
溝盟猶在時移事換入林巒數椽茅屋曰雲鬢汲水  
耕田憇夕陽手種棗栗已成行朝挈筐筥舖鳥雀暮  
登巉嶮喚牛羊有子不必教讀書有孫常令草間居  
如今年已滿八十餐霞飲露騎青驢寄我山中自製  
藥松子黃精與鹿藿海上還丹多虛幻此餽真實未  
敢却我今龍鍾漸支離他年相見復何時持此一詩  
鐫山頂浩氣清風踪跡奇

咏杜

老杜才名高萬丈詩云刪後更無詩此豈人力之所  
爲山川風雨發其姿玲瓏刊盡琅環秘饑寒迫出奇  
崛詞文章自不關花鳥性命深沈乃出之亦知不祥  
造物忌原非富貴飲啄資但快狂言象三尺安問令  
名垂來茲

過楊忠愍祠

我行八月燕山道白溝河邊秋欲老堤平沙靜雲不  
飛易水西來波浩浩道傍舊有椒山祠忠魂直上逼

蒼昊拜瞻公像起徘徊  
洒泣再讀擊奸草  
奸人殺公公不死  
藏血化碧不可燥  
灼灼星列是公精  
千年歲社陳蘋藻  
世蕃之屬獨何為  
嗟哉豚鼠多顛倒

谷壘來茲

蘇軾詩集卷之十八  
龍公書院

